



Na osnovu člana 34. i člana 88. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj:14/17), a u vezi sa članom 74a. Zakona o državnoj službi u Federaciji Bosne i Hercegovine („Službene novine Federacije BiH“, br.29/03, 23/04, 39/04, 54/04, 67/05, 8/06, 4/12), na zahtjev Ministarstva unutrašnjih poslova Unsko-sanskog kantona, Agencija za državnu službu Federacije Bosne i Hercegovine, objavljuje

**JAVNI KONKURS**  
**za popunu radnog mjesta državnog službenika**  
**u Ministarstvu unutrašnjih poslova Unsko-sanskog kantona**

**3/764**

**Radno mjesto:**

**-Stručni savjetnik za javne nabavke u Odsjeku za materijalne poslove i nabavku, Sektora za materijalno finansijske poslove i podršku – 1 (jedan) izvršilac**

**Opis poslova:** izrada projekata, planova i procjena u oblasti javnih nabavki; provodi nabavku roba, usluga i radova na domaćem i inozemnom tržištu u skladu sa Zakonom o javnim nabavkama, te priprema svu potrebnu dokumentaciju vezano za provođenje postupka javnih nabavki u skladu sa Zakonom o javnim nabavkama; pripremanje i provođenje tenderske dokumentacije u cilju realizacije programa tekućeg i investicionog održavanja i realizacije kapitalnih investicija u skladu sa Zakonom o javnim nabavkama; priprema nacrt ugovora shodno odredbama Zakona o obligacionim odnosima a u vezi s primjenom Zakona o javnim nabavkama; izrađuje potrebnu dokumentaciju neophodnu za sačinjavanje obavijesti, informacija, izvještaja prema Agenciji za javne nabavke i Uredu za razmatranje žalbi; priprema odgovore na žalbe i tužbe u vezi primjene Zakona o javnim nabavkama; prati stanje tržišta i kretanje cijena za robe, usluge i radove kojom se oprema i koristi Ministarstvo i Uprava policije, te organizira uskladištenje i distribuciju materijalno-tehničkih sredstava i opreme krajnjim korisnicima; prati stanje zaliha na skladištima i inicira nabavu, te kontrolira izvršenje obaveza po ugovorima, rokove isporuka i plaćanja, te kvalitetu isporučene robe; obavlja kontrolu raspolaganja i smještaja kao i poslove nadzora u vezi organizacije skladišnog poslovanja i vođenja optimalnih zaliha u svim organizacionim jedinicama; obavlja i druge poslove po nalogu neposrednog rukovodioca.

Kandidati moraju ispunjavati opće uslove iz člana 35. Zakona o državnoj službi u Unsko-sanskom kantonu:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili diplomu druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovnih djelatnosti i pomoćno tehnički poslovi i uslovi za njihovo obavljanje u organima državne službe u Unsko-sanskom kantonu;
4. da je zdravstveno sposoban za obavljanje poslova utvrđenih za to radno mjesto;
5. da u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine;
7. da se protiv njega ne vodi krivični postupak.

Pored općih uslova navedenih u javnom konkursu kandidati moraju ispunjavati i sljedeće posebne uslove:

-diploma visokog obrazovanja – najmanje VII stepen ekonomske struke ili diploma visokog obrazovanja prvog (najmanje 240 ECTS), drugog ili trećeg ciklusa Bolonjskog sistema studiranja ekonomske struke,

-najmanje 3 (tri) godine radnog iskustva u struci nakon sticanja VSS,  
-položen stručni ispit.

### **Prijavljivanje - potrebni dokumenti:**

1.Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton 10 i Unsko-sanski kanton - Odsjeku za postavljenja u Bihaću, ul.Alije Đerzeleza br.2, ili na web stranici Agencije: [www.adsfbih.gov.ba](http://www.adsfbih.gov.ba)).

2.Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu/iskustvu u struci nakon sticanja visoke stručne spreme, u skladu sa uslovima iz konkursa (original ili ovjerena fotokopija), na propisanom Obrascu uvjerenja (može se preuzeti u prostorijama Odjeljenja Agencije za Kanton 10 i Unsko-sanski kanton - Odsjeku za postavljenja u Bihaću, ul.Alije Đerzeleza br.2, ili na web stranici Agencije: [www.adsfbih.gov.ba](http://www.adsfbih.gov.ba)).

### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati, koji polože stručni ispit (pismeni), dužni su u roku od pet dana nakon usmenog obavještanja o rezultatima ispita, Agenciji dostaviti dokaze (original ili ovjerene fotokopije) o ispunjavanju posebnih uslova navednih u tekstu javnog konkursa. Kandidati koji ne dostave dokaze o ispunjavanju posebnih uslova, kao i kandidati za koje se utvrdi da ne ispunjavaju posebne uslove, ne mogu biti postavljeni na radno mjesto državnog službenika obuhvaćeno javnim konkursom.

Izabrani kandidat dužan je u roku od sedam dana od dana prijema obavještenja o izboru dostaviti Agenciji dokaze (original ili ovjerene fotokopije) o ispunjavanju općih uslova iz javnog konkursa.

Kandidati u javnom konkursu moraju ispunjavati uslove javnog konkursa sa danom njegove objave na web stranici Agencije, nezavisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa be biti isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od petnaest dana, od objave javnog konkursa na web stranici Agencije za državnu službu Federacije BiH, putem pošte, preporučeno na adresu:

**Agencija za državnu službu Federacije BiH  
Odjeljenje Agencije za Kanton 10 i Unsko-sanski kanton  
Odsjek za postavljenja u Bihaću  
ul.Alije Đerzeleza br.2  
77000 Bihać  
sa naznakom:**

**“Javni konkurs za popunu radnog mjesta državnog službenika u Ministarstvu unutrašnjih poslova Unsko-sanskog kantona broj: 71/19”**

**S E K R E T A R**

**Zinka Salihagić, dipl.iur**